

*A la Alcaldía-Presidencia  
del Ayuntamiento de Xixón*

## **PROPOSICIÓN SOBRE LA CREACIÓN D'UNA ESCUELA DE MÚSICA TRADICIONAL**

**Noelia Ordieres Buarfa-Mohamed**, conceyala del **Grupu Municipal Izquierda Xunida – Más País – Izquierda Asturiana**, acordies con lo dispuestu nos artículos 76 y siguientes del Reglamentu Orgánicu del Plenu del Ayuntamiento de Xixón, formula para so alderique na sesión plenaria del próximu 18 de advientu la siguiente proposición:

### **ESPOSICIÓN DE MOTIVOS**

La música tradicional forma parte del patrimoni u inmaterial asturianu, siendo un elementu fundamental de la identidá cultural de la nuesa rexón. Según lo dispuestu na Convención para la Salvaguardia del Patrimoniu Cultural Inmaterial de la UNESCO (2003), ratificada per España, los Estaos tienen de garantizar la protección, tresmisión y espardimientu d'esti tipu de patrimoni u, asegurando la so continuidá al traviés de polítiques públiques afayadices.

Nel ámbitu nacional, la Llei Orgánica 3/2020, de 29 d'avientu (LOMLOE), reconoz nel so Artículu 5 bis la importancia de la educación non formal como complementu del desarrollu artísticu y cultural. Per otru llau, la lexislación autonómica asturiana, como la Resolución de 25 de setiembre de 2024, regula y promueve subvenciones pa escuelas de música tradicional, reconociendo la so importancia nel desarrollu cultural y educativu.

Xixón, como ciudá más poblada d'Asturies, non dispon d'un centru públicu específicu qu'articule de manera profesional y estable la enseñanza de la música tradicional asturiana. Esta situación contrasta col modelu yá implementáu n'otres ciudaes como Vitoria-Gasteiz (Musiketxea), Vigo (E-

Trad), o Uviéu (Escuela Municipal de Música Tradicional "Manolo Quirós"), onde instituciones específiques demostraron ser eficaces pa la preservación, tresmisión y evolución del so patrimoniu cultural.

Ye necesariu, por tantu, que'l Conceyu de Xixón asuma la so responsabilidad na promoción d'esti patrimoniu, complementando'l llabor de les asociaciones y entidaes privaes creando una Escuela de Música Tradicional Municipal, garantizando una formación accesible, profesionalizada y pedagógicamente ordenada pa tola ciudadanía.

### PROPUESTA DE ALCUERDU

Por to ello, el Plenu del Conceyu de Xixón alcuerda encamentar al Gobiernu Municipal a:

1. Aprobar la creación de la Escuela Municipal de Música Tradicional de Xixón, con un proyectu pedagóxicu que contemple itinerarios formativos básicos, medios y avanzaos, garantizando la so estabilidad y accesibilidad.
2. Empecipiar los trámites necesarios para la elaboración del proyectu técticu y presupuestariu de la escuela, contemplando la so viabilidad económica y la so integración na ufierta cultural y educativo de la ciudá.
3. Coordinase col Gobiernu del Principáu d'Asturies pa aportar a les subvenciones y recursos autonómicos destinaos al desarrollu d'escuelas de música tradicional.
4. Impulsar la collaboración con asociaciones y entidaes privaes para fomentar una ufierta educativa complementaria y reforzar la divulgación de la música tradicional.



En Xixón, a 20 de payares de 2024

**Fdo.: Noelia Ordieres Buarfa-Mohamed**  
Conceyala IX-MP-IAS